

四庫全書

子部

欽定四庫全書

子部
博濟方卷三

詳校官太醫院恩糧臣孔毓秀

編修臣倉聖脈覆勘

謄錄貢生臣劉錫珪

欽定四庫全書

博濟方卷三

宋 王衮 編

目疾

目者五臟六腑之精華宗脈之所聚肝藏外候也藏府
虛實風邪痰熱所乘風傳於肝上衝於目故為病多矣
若血氣充實則瞻視分明若榮衛虛損則目多昏暗風
冷則淚出勞熱則赤澀如久不愈往往變為大病其臟
主血足厥陰是其經也

防風散

治風毒眼暴赤眼

菊花 防風 甘草 葳靈仙 黃連

牛蒡子

各三分

右杵為末每服一錢風眼葱湯下赤目新汲水調
下日可二服

撥雲散

治風毒眼目昏暗翳膜遮障

菊花

防風

去蘆

白蒺藜

炒令黃

羌活

去蘆

柴胡

去蘆

甘草

炙各等分

右六味同為末每服一錢半水一盞煎至六分食後臨卧溫服之

大明散

治一切風毒氣眼翳膜昏暗眼睛澀疼熱淚時多

蟬退

白蒺藜

川羌活

荊芥穗

黃耆

烏蛇皮

各等分蛇皮蟬退二味入罐子內蓋口洗燉過

右六味同為末研令勻每服一大錢酒調下日三服神效

芎羌散

治男女血風毒眼昏澀赤爛丈夫腎臟風毒氣眼昏痒腫疼退翳膜洗睛輪

荆芥

只用穗炒過

牛蒡子

炒

木賊

蒼朮

生用各等

分

右同為末每服二錢煎荆芥湯點臘茶調下日可

三服空心日午臨卧各一服

大效洗輪散

治風毒攻症眼目赤疼大退翳膜去瘀肉洗風砂鐵屑磁末因入目澀痛

仙靈脾葉去梗

秦皮

黃連

槐花各等分

生犀少許

右五味同杵研為細末每服半錢以新水調澄清洗之砂鐵等不三兩洗自然退在水中如風毒

眼即時每半錢水一盞煎至七分放熱洗之每服
可經三次

青金丹

治丈夫女人一切風毒上攻眼目赤腫昏澀時發痒
疼或緣眶赤爛冷淚頻多及氣毒上攻外障翳膜赤
筋瘀肉並能理療小可暴赤眼腫痛點之立差

銅青

真者

麝仁

以水浸去皮尖與銅青一處浸二宿去水爛研

生犀

淨水磨紙上飛過稱用

真珠母

以水磨控乾取下稱四味各一兩

白丁香

以水研飛過去
滓控乾稱半錢

海螵蛸

水飛過乾
稱半錢

生龍腦

細研
半錢

右七味各研磨後將銅青與麝仁同殺研如糊次
入白丁香研次入下三味後又殺研令勻細用細
香墨濃研汁於淨器中相度和熟為度丸如菉豆
大每丸用兒孩子乳汁化點之餘者且以紙蓋如
點時乾再入乳汁化之未用者常以生腦子養在
磁器中收貯

羌活散

治男子婦人小兒遠年近日毒氣上攻眼目昏暗赤
澀瘀肉生瘡翳膜遮障不明及久患偏邪頭疼眼目
漸小細及有夾腦風痛多視黑花但有此狀服藥五
日見效

羌活 川芎 天麻 旋覆花 青橘皮

天南星 炮

藁本 已上各一兩

牽牛子 六兩杵取二兩末餘

者不用微焙乾

右七味一處為末後入牽牛子末和勻取生薑白
然汁煮麵糊為丸如梧桐子大每日食後溫酒鹽
湯米飲任下二十九日進三服不醫內外障及暴
赤眼

蟬蛻散

治眼目赤疼澀腫兼生翳膜瘡等

蟬殼 地骨皮 宣連 牡丹皮 白朮

蒼朮

菊花

草龍膽

已上各一兩

甜瓜子

半升

右九味同杵為末每服一錢半瓜子荊芥同煎湯
調下每日食後臨卧各一服大治時疾後餘毒上
攻眼目甚效忌熱麵牙豆醋醬等

仙朮散

治眼目翳膜遮障昏暗退翳

蒼朮

一兩米泔浸
淘一兩宿

蟬殼

一分淨
去泥稱

木賊

一兩

穀精草

一分

甘草

一兩
炙

黃芩

半兩

蛇退皮

一錢

湯洗焙乾
滴油杵

右七味同為細末每服一錢空心臨卧冷水調下

磁石丸

治內外障翳不問年遠近及中一切疾

磁石

三兩須燒令透赤旋投淡醋內碎之十遍後搗篩過入乳鉢內用水少許研細泥更

入水再研動傾於別器要隨水飛過後於灰上安紙箱子三五個便將所飛過汁都研動勻入紙箱子內著盆合却一宿取出後

牛膝

一兩去苗

紙箱內曬乾或乾與衆藥相和

官桂

一兩削去薄皮

頭一寸用漿水浸一宿時以無灰酒煮五伏以來却曬乾用之

巴戟

一兩去心用無灰酒煮五七沸以來却曬

用

茯苓

一兩半去皮用

或焙乾

乾薑一兩炮製去皮

遠志一兩去心取上竈皮用

地骨皮

一兩去赤皮俠白者

附子一兩炮去皮臍

茯苓三兩水洗

三兩遍用無灰酒浸兩日後更入少酒同三五沸來濕切碎拌和諸藥時入同杵熟為九子

覆盆子

一兩去莖葉擇取子粒用

防風一兩去苗頭一寸半用

栢子仁

一兩別研用紙裏壓去出油

生地黄乾者二兩水洗三五遍細

切曬乾

鹿茸二兩取上軟者稱用之用無灰酒煮十餘沸已來去大皮焙乾用之

右藥為末煉蜜為丸如桐子大一應丈夫女人所

患者不計年月遠近或障翳侵塞或皮膜侵遍空

心茶酒鹽湯任下二十至三十九雖不覩三光服之必效忌動風炙博物

羚羊角飲子

治班瘡後翳膜忽生及風毒暴赤等眼

羚羊角

用一對以索子扎縛定一處
鎊共取細末二兩再研如粉

車前子

決明子 防風 川升麻 綿黃耆

川大黃 黃芩 芒硝

各二兩

右九味同研為末每服二錢水二中盞煎至一盞

半凡欲服藥時先將藥末以水浸一宿次日以此
水并藥同煎熟却入磁餅子內用油單紙封繫垂
在井中一宿至次日取出微暖動臨卧時徐徐呷
不得就枕頭睡至明見效如要急取功即空心日
午時各喫一服

秘金散

治自幼久患疳氣上攻眼目羞明生翳久療不差大
人有翳膜遮障但睛不損

竈黃連

沙參

玄精石

決明子

各一兩

右為末每服半錢用羊子肝一具竹刀子切作縫子糝末於內以線繫入餅子內用米泔煮熟淡喫每箇作三服

決明散

治青盲眼夫五臟六腑之精氣皆上注於目若臟虛有風邪痰飲乘之有熱則赤痛無熱則内生障蓋臟腑血氣不榮盛於目故外壯不異而只不見物或加

有痰熱則生翳如蠅翅狀覆在睛上此方乃至人傳授大效

石決明 草決明 青箱子 蛇蛻 細辛

井泉石 甘草

以上各等分

右七味修事皆不得犯鐵器仍須用木臼中杵細杵羅然後用獺豬肝一具去膽膜淨洗瀝乾後用竹刀子隨肝豎切作縫子將上件藥末平稱一兩逐縫子糝入藥末畢後將麻線子細意札縛了却

入生絹袋內牢縛定用上鍋子或瓦石鍋亦得入
淘米濃泔煮之更入青竹葉一握枸杞根一握黑
豆三合同煮肝熟為度取出候冷仍先飽喫食後
方用竹刀子逐片切喫旋呷元汁送下喫盡後更
喫豆無妨久患者不過三兩具見效切請合藥時
須潔淨敬信不得犯鐵器服未有不驗也

洗頭明眼方

鳳眼草

即椿樹上固翅也燒灰淋水洗頭依日
洗之經一年眼如童子眼明及加椿皮

灰尤
佳

右用正月七日 二月八日 三月四日

四月五日 五月二日 六月四日 七月七日

八月三日 九月二十日 十月二十三日

十一月二十九日 十二月十四日

決明散

治眼一切疾

石決明

草決明

丹丞明

又名丹丞石

青箱子

白芷 甘草 黃蘗 黃連 穀精草

龍骨 蔓菁草 枳實 牡蠣 枸杞子

蛇皮雄者五分雌者五分在草木屋上者雄沾土在地並為之雌者已上各用一兩

羌活 白蒺藜 蟬退 白附子 黃耆各半兩

魚子活水中生下者半兩其子滑硫黃水溫溫洗過 虎睛一箇切作七片

子每一度杵羅入一片子用文武火炙乾入候杵羅時一七遍了盡篩羅為度

右藥每服七分五更時披衣以陳茶清調下日午臨卧準前服之 皆小努肉細腫疼痛不可忍者

三五日見效 大段赤白翳膜遮睛久不可見光
明者服一七日減三五分見物至第二七日取下
眼中翳膜如赤白濃膠半月至三七日其眼好安
如不患時復舊 若根枯死者不療活者通醫訣
曰如何知死活如有煩惱傷酒色遇風雨眼中疼
痛者即是活眼也若或有此無淚不疼痛者名為
無根也更不用此藥忌毒魚麵禁豬肉酒色等

辰砂膏

治一切眼疾

白龍腦

烏魚骨

研至細飛過用

川硝

麝香

好真者

牛黃

牙硝

井鹽

石膽

各少許唯石膽多於衆藥

硃砂

明瑩者少許

膩粉

丁大兩

右件同研令勻至細為妙入白砂蜜和令得所以

銅筋點之

通神膏

治眼生翳膜赤脈努肉澀癢痛有淚

白砂蜜

四兩

青鹽

一字

麝香

一字

乳香

硃砂

半兩

當歸

半兩

黃連

一錢

白礬

半兩

飛過

右八味於乳鉢內輕研破於青竹筒內煮半日用
綿濾去滓瓷瓶內收貯每點眼了瞋目少時以溫
湯洗翳膜等並退

紫金膏

治外障退翳膜療風毒上攻眼疼赤腫或瞼背痒爛
時多熱淚昏澀大效

槐嫩枝芽三十條

於中春採窖乾收之如無收者以嫩枝子亦得

谷丹

先細研過抄二大錢

宣連

緊實者七枚子各長可二寸半

白砂蜜

四兩

烏魚骨

飛過抄二大錢

輕粉

抄三大錢

乳香

明淨者稱一錢許

龍腦

少許

右先將槐枝并黃連用雪水或井花水亦得一碗半入銀石器內慢火熬及半盞許去滓次乳香碾碎先入又熬之候如一茶脚許先將蜜熬去滓放冷却入前熬者膏子及衆末攪勻再熬候金漆狀

乃成入不犯水瓷器內收之每用少許點大妙

明眼金波膏

去瘀肉洗翳膜

宣連

四兩

麝仁

半兩

杏仁

四十粒

金州藥

三兩已上

二味搗碎以水二碗浸一宿於器內熬取半碗濾過

右先將杏仁去尖雙仁以麝仁於口內退皮同杏仁研如粉入前藥汁內同煎及一大盞更濾過入好蜜及藥九分入麝香一錢白礬一字飛過硃砂

一字空青三錢如無只以生青代之略搥碎龍腦
二錢以絹袋子盛在藥內又熬及一半許於冷水
內滴直候藥在水上不散用小餅子一箇封閉令
密於飯甑上蒸三度逐度於井內拔過及冷為妙
磁銀器內收貯點之如常法治療功能卒不可述

甘石膏

點眼昏花視物不明

烏馬兒監
司經驗方

爐甘石

研

代赭石

穀醋淬
七次研

黃丹

各四兩
水飛

白沙蜜

半斤

右將二石碾為極細末次與黃丹和合用銅鍋將蜜煉去白沫更添水五六碗熬沸下煎藥以文武火焚用一椀用銅器攪試將藥滴水中沈下為度方可住火熬成用夾紙四重濾過用淨甕器盛貯密封不要透下塵土恐點時應眼如眼昏花不時點之有驗

食膏

治眼目昏花

井鹽

五錢無以青鹽代之

訶子

一箇去核

黃連

去鬚五錢

烏賊魚骨

二錢半去甲

黃丹

三兩水飛

右為細末用好蜜一十兩熬去白沫濾淨入前藥末於銀銅器內用文武火慢熬用槐柳條攪成膏紫色為度用淨瓷器盛貯於地內埋一伏時去其火毒取出每用豆大一塊溫水化開洗眼

耳病

燒腎散

治腎虛上攻耳內生瘡虛鳴及聾者

磁石

一兩燒赤醋淬十遍細研水飛過

附子

一兩炮製去皮臍

巴戟

兩

川椒

一兩去目及開口者微炒去汗

右四味搗羅為末每服用獾豬石子一隻去筋膜細切蔥白薤白各一分細切入葯末一錢鹽一字攪和令勻以十重濕紙裹於煖灰內燒熟空心細嚼酒解粥下十日內見效

如聖散

治水入耳內濃出疼痛日夜不止

箭筈內蛀末

如有虫子一處同研令細用三錢

麝香

一錢

膩粉

一錢

右三味一處同研細每用先以綿杖子撮淨然後可三刺耳子深送以綿塞定如覺放剗即是惡物要出去綿側耳令汁流出依前腫痛甚者三服差

小膏子

治凍耳無療濕癬

丹參

兩一

黃蠟

兩半

豉

合一

葱白

莖五

清油

兩三

右先將油煎三兩沸次入參豉煎令焦即濾去然後入蠟勻攪入磁合子內盛每患即塗之三兩上即差

治蚰蜒入耳

川烏頭

三箇

木鼈子

七箇

白礬

五文

白丁香

撮一

夜明砂

大一

烏雞糞

三兩

黃丹

二文

豬牙皂角一

挺

小兒衣帶

一箇如無耳內
血三兩滴亦得

右九味一處細擣為末每服一字醞醋調灌入耳

內少時蟲盡出

齒鬚髮

齒牙者骨之所終髓之所養手陽明支脈入於齒若髓
氣不足陽明脈虛則不能榮於齒牙為風冷所傷故多
疼痛既不榮盛固結為蟲食於齒牙則有孔蟲居其間
又相傳受餘齒牽連疼痛陽明既虛則生壅熱熱則血

氣妄行故令人齒牙宣露

香臍散

治牙齒搖動解骨槽毒氣却令堅牢

香臍

十箇無香者皮子是細切

牛膝

一斤去蘆細切

木律

四兩

郁李仁

二兩

秋熟出子黃茄子

二箇細切

右五味入鐵臼內擣成相著握作團子後入礮子

內上用瓦子蓋口留一小竅用鹽泥固濟燒礮子

通赤候烟白色即住去火以新土罨一伏時取出

入麝香一錢再同研細每日早晨揩痛處牙齒候
須臾溫水漱口臨卧更貼少許嚙津亦無妨和劑
局方名麝臍散無麝香有升麻細辛用法並同

漂牙散

治牙齒浮動宣露疼痛

聖濟總錄名細辛散木律作梧桐淚

荊芥

去梗

細辛

莽草

升麻

各一兩

木律

半兩

右同杵為末每服五錢水二盞入槐枝十數莖鹽
二錢同煎令濃熱含冷吐

麝香膏

治大人小兒齒齕損爛及走馬疳

麝香

一分

豬牙皂角

三挺燒存性用

膩粉

十兩

黃蘗

一兩

白礬

二兩

水銀

十兩

蜜陀僧

一兩

綠礬

一兩半同白礬杵碎入銚子內枯了用

苦楝根白皮

一兩

右件杵為末用無灰酒三升熬成膏患者先淨漱口塗之久患者取藥一匙砒霜粉霜末各一錢拌和勻使絕妙

黑散子

治牙疳及宣露

藁本

升麻

皂角

不蛀者燒灰
存性各半兩

石膏

一兩半

右四味杵羅為末臨卧時以手指蘸揩擦齒上微漱存藥氣此散大能牢牙去臭

黑金散

烏髭鬚兼治牙齒一切疾

麻玃

二斤細杵
不用羅

地黃

三斤揀擇勻停
好者然後曬乾

皂角

六挺不蛀肥好者每挺截作三段

青鹽

三兩搗碎不用羅

東引桃枝

柳枝

桑枝

各十五截如大指大各長一握

馬齒

及盛時採一斤採時不得令婦人雞犬見採到即於淨室陰乾據數收用

牆頭豆

生者

右藥用一斗三升瓦罐子新好者將前件藥物逐味分作三處逐一味一重重下於罐子內藥絕用一新瓦片可罐子口蓋覆仍於盖子中心開一竅子出烟罐子週迴以好黃土紙筋泥固濟候乾於

淨房內用炭火四向慢慢燒之須是用火得所烟
盡撥却火塞眼子却黃土焙一兩宿候冷取出藥
其色如鴉羽於磁器內研細切勿犯鐵更入升麻
白芷各一兩細研羅入於末內令勻以瓷器內收
密封閉逐漸取出一匙頭許亦以小瓷器內收每
日不以旦暮或食後揩齒表裏精細耐煩揩之悉
令週迴即合口須臾若不倦久長用之髭鬚自然
黑潤異常牙齒堅白無脫口氣香潔合時切忌見

婦人雞犬

揩齒七聖散

牢牙益齒

白麵

四兩

皂角

二挺不去皮子剉碎

訶子

一兩

鹽

一兩海鹽

右件一處以麵裹用槐枝子燒烟盡為度後次入升麻細辛各一兩同杵為末每日早揩須臾漱口

揩牙烏髭地散

歌曰野客自仙鄉來呈變髮方南方採茵草內地取

生薑筒漆豬牙皂烏麻及地黃兔絲都七味固濟入
瓷缸火煨須連日黃烏終夜長藥成將揩齒功效實
難量不惟髭髮黑兼亦壽延長

茵草

生薑

切作片
焙乾

筒子漆

豬牙皂角

地黃

兔絲子

烏麻子

胡麻代
之亦得

右件各四兩入瓶內以黃泥固濟火煨一日後入
地一尺二寸深窖却三伏時取出盒子盛露三夜
不得著日氣細羅為末如齒藥用之

烏髭鬚揩齒法

生乾地黄

十二分好者細切

升麻

一兩碎之

訶子

二枚末

白鹽花

半分

麻粃

末四合取一遍打者

粟餼飯

一大合

硃砂

一兩細研臨燒時以沙牛糞調之免飛上

右件都伴令勻於一淨沙瓶中盛密封頭通身遍泥陰乾七八日待泥乾入爐中坐之瓶四畔以炭火週迴燒其炭續續添盡七斤即住其藥以為黑灰收之并細為末每日夜用之揩齒一如後法

揩齒法欲使藥時用生薑一塊如杏仁大爛嚼須
臾即吐却滓以左手指指三五遍就濕指點末更
指十數遍含津不得吐以兩手取津塗髭髮待辛
辣定即細細嚥之此藥即無治脚風腸風下氣駐
顏益齒若能勤用一生不白髭髮一百日却黑赤
者五十日黑用藥二十日即便見效也若能空心
三遍用更飯後用之見效即速矣

眩暈

頭風眩暈者由血氣虛為風邪所乘也諸陽經脈上走於頭面因運動勞役陽氣發洩腠理開疎而受風邪頭風之狀頭面多汗惡風甚則頭疼心煩悶或因新浴髮中外風亦為此病久不差眩暈由風邪流入于腦腦轉而目系急目系急故成眩暈也其脈寸口洪大而長是也服大效香砂丸必愈

大效香砂丸

巴豆

生油
去皮

生硃

乳香

當歸

去苗

細辛

丁香

少許

官桂

少許
去皮

龍腦

五十
文

麝香

五十
文

檳榔

用少
許

右各等分為末以水浸蒸餅和為丸如桐子大發
日用好茶下一丸須是當門齒與冷茶嚼下十年
只用一粒額上汗出即差

獨活散

治風毒氣上攻頭目疼痛昏眩不快利膈化痰

獨活

川芎

甘菊

各一
兩

乾葛

一分
炒

防風

兩

半夏

湯洗去滑作餅子炙二兩

右五味同為末以半夏末用生薑自然汁一大盞煮如膏和為丸如豌豆大每服七丸至十九荊芥薄荷湯下

伊祁丸

治肝腎虛氣上攻頭旋項筋急眼有黑花耳內虛鳴

伊祁

半兩點醋微炒

穿心巴戟

糯米炒候赤黃去米不用

沙苑白蒺藜

慢火微炒

黑附子

炮去皮臍

羌活

去蘆各一兩

右五味同為末煉蜜為丸如梧桐子大空心鹽酒下十五九二十九食後臨卧米飲下

芎朮湯

治冒雨中濕眩暈嘔逆頭重不食

川芎

半夏

湯泡七次

白朮

各一兩

甘草

炙半兩

右㕮咀每服四錢水一盞半薑五片煎至八分去滓溫服不拘時候

欬喘

華蓋散

治欬嗽解表滋潤皮膚調理自然汗出

麻黃

三兩不去節

甘草

一兩

杏仁

二兩湯浸去皮尖

右三味先以前二味為麤末後入杏仁研細同拌
令勻每服三錢水一盞煎至七分去滓服每日三
服

紫蘇飲

治欬嗽墜痰涎潤肺

紫蘇

貝母

欬冬花

漢防己

各一分

右四味研為細末每服一錢水一茶碗煎至七分溫服之

欬肺散

治寒壅相交欬嗽不止胸膈悶亂痰涎併多

麻黃

二兩去根節炒

貝母

桑白皮

各一兩剉炒

柴胡

杏仁

一兩去皮尖炒

欬冬花

一兩去塵砂

糯米一兩

右七味新好者杵為末每服一大錢水一盞煎七

分溫服不拘時候

阿膠散

治久患欬嗽及勞嗽

阿膠二兩炒過如無以黃明膠四兩代亦得炒過用

人參半兩

杏仁二十箇去皮尖

黃蜀葵花一分

甘草半兩

款冬花一分

右六味同杵為末每服二錢早晨用糯米粥一盂
子入末熱喫晚食前再服如只用糯米濃飲調下
亦得

黑靈丸

治欬嗽不以日近年深皆效

羌活 獨活 各一分

巴豆 三十粒不去皮半夏三十箇同入瓶子內
鹽泥固濟炭火三斤煨取出入前二味

右同杵為末煉蜜為丸如桐子大每服一九以後

味藥煎湯下

馬兜鈴

半兩

官桂

一分

甜葶藶

半兩
微炒

右三味同杵為末每服一錢水一盞煎至八分下

九子其餘飲子時時呷令藥香常在咽喉中

華蓋散

治上喘咳嗽無治膈熱

桑白皮

神麴

炒

桔梗

各一兩

人參

三分

百合

三分

甘草

炙

杏仁

去皮各半兩

右七味同為末每服一錢水一盞煎至六分食後

溫服

痰飲

辰砂丸

治上膈風壅有疾結實如梅核及稠濁者

辰砂

半兩須是真辰州者

天南星

半兩

絳州白礬

半兩

半夏

三兩齊州者杵末以薑汁搗作餅炙令黃

右四味都杵為末用生薑自然汁合和為丸如棗

豆大每服十九以薑湯下食後服

壞涎丸

治痰涎壅盛服藥未退頭重心煩飲食不下

硃砂

二分

寒水石

半兩猛火燒透赤好酒內碎五六遍取出

定粉

一分

水銀

一大分將定粉於盞內與水銀同研漸漸滴令似乳住用

半夏

半兩熟酒盪一度薑汁浸一宿用

蜜陀僧

一分

龍腦

一分

右七味為末用生薑自然汁煮麵糊為丸如菜豆

大研好硃砂度過每服一九至二九生薑龍腦水

下勿嚼

人參半夏丸

墜痰化涎

半夏一兩

北礬一兩
研

人參一兩

赤茯苓
去皮

生薑四兩
取汁先以湯洗半夏七遍浸三日後於日內煎乾切作片子焙乾用

天南星半兩
生用

右六味同杵為細末篩羅以蒸餅水浸過却用紙

裏煨熟為丸如菜豆大每日空心夜卧用淡生薑湯下十五丸 開胃生薑棗湯下 風涎皂角一寸薑三片蘿蔔三片同煎湯下

旋覆花散

清頭目利胸膈化痰涎解上焦風壅咽喉熱痰唾如膠黏

菊花 旋覆花 桑白皮 石膏

各三分

一兩一分

甘草 地骨皮 杜蒺藜

半兩

一兩

一兩去刺

右七味杵為末每服一錢水一盞煎至七分食後
溫服此藥兼治頭風有效

中金丸

治金化痰辟邪養正益津液潤肌膚大進飲食延年
補氣

用蒼朮不計多少以長流水浸七日逐日一度
換仍以竹刀削去麤皮切作片別用無灰酒浸
一宿浸可於朮上仄二指許候滲酒盡焙乾為

末煉蜜和丸如桐子大每服早晨茶酒任下二
三十九忌桃李雀鴿

丁香丸

治胃冷有痰

半夏

二兩以水浸一七日每日
早晨換水足取出今自乾

白礬

半兩

丁香
一分

右三味同為末用薑汁合和為丸如小豆大每服
五丸至七丸鹽湯下膈上有痰涎只用三服墜下

立效

半夏煮散

治胃冷有痰嘔逆不思飲食及中酒後大宜服此

半夏

十六分湯洗十度

木通

十六分

前胡

十六分去頭

茯苓

六分去皮稱

陳橘皮

六分浸去瓤

白朮

六分

檳榔

六分生杵煎湯藥成膏後斟酌入

官桂

五分去麤皮

枳殼

五分麤炒去瓤用

旋覆花

五分去萼稱

右一十味剉羅為散每服三錢生薑二片水一大

盞同煎八分去滓空心服餘滓再煎日午服

玉液散

治胃虛有痰

半夏

一兩

生薑

二兩去皮細切

陳粟米

一合揀令淨約重二兩

右三味一處爛搗研曬焙乾羅為末每服一大錢
水一盞煎至六分去滓溫服

霍亂

人參藿香散

治霍亂定嘔逆止心腹刺痛大進飲食化痰益氣

藿香

去土
二兩

厚朴

去皮
二兩

人參

去
盧

茯苓

去
皮

乾薑

炮

青橘皮

去
白

枇杷葉

布拭去毛炙令
黃色各一兩

甘草

三分
炮

半夏

三兩以生薑六兩一
處杵作餅子焙乾

丁香

半
兩

草豆蔻

六箇
去皮

右十一味同杵為末每服一錢水一盞入薑棗同

煎七分熱服

翻胃

小木香散

治反胃病全不下食開胃和氣

胡氏經效方作定胃散

胡椒

二十粒

木香

一小塊

糯米

一撮

右三味同炒至米熟為度杵末分二服每服水一盞煎至六分溫服

定胃散

治翻胃吐逆

仁齋作溫胃散治久冷翻胃

附子

一箇生去皮臍切作四塊

右用生薑半斤以水一碗同煮附子汁盡為度取

附子焙乾為末每服一錢冷米飲下空心服

許叔微本

事方名附子散治翻胃

順氣散

平胃氣調進飲食

甘草

四兩炙令黃

白茯苓

四兩

白朮

八兩

附子

二兩炮去皮臍

乾薑

一兩炮

陳橘皮

二兩半去白

右件為末每服一大錢水一盞入荊芥少許煎至

七分熱服之

癥瘕

小三稜煎

治食癥氣塊及小腸氣本臟氣腎俞氣膀胱氣五膈
氣風痰胃口冷脾積氣食傷冷氣抱心心腹脹滿吐
逆醋水五種虛疾脾寒水氣

荆三稜

蓬莪茂

各四兩
洗淨

芫花

一兩去
枝葉

右三味同入一磁瓶內用米醋五升浸滿藥封却

瓶口以灰火煨覺微乾即取出荆三稜蓬莪茂便
杵碎羌花別以餘醋炒微焦後同二味猛焙乾搗
羅為末用米醋煮麵糊為丸如梧桐子大每服三
九至五九用生薑鹽湯吞下婦人醋湯下

通靈丸

治久患癖塊或因氣不和即發疼痛胸多痞塞消化
癥瘕大效

荆三稜

醋石榴

大者
二枚

杏仁

甘遂

大戟 大黃 巴豆 苦苧蘼 羌花

五靈脂

各一兩

鹽豉

烏梅

各二兩

右一十二味剉細用水一斗二升入藥於鍋內同

熬候水盡就鍋內炒令黃焦色止取出杵羅為末

更入木香青橘末各一兩拌勻醋煮麪糊為丸如

小豆大每服薑湯下三五丸 心胸痞悶痰橘皮

湯下 喫酒食飽悶生薑湯或茶湯溫水下亦得

三聖散

治積年血氣癥癖瘕聚諸藥療理不差至效

舶上硫黃

一兩

水銀

一兩

硃砂

去砂石稱一分用

右三味乳盆內滾研如粉却以生鐵銚內用文武火熬鎔成汁以鐵火筋攪令勻一茶久放冷刀割下以紙裹入地坑內埋一宿取出再研令勻細却以紅芍藥一分當歸一分荆三稜一分蓬莪茂一分紅花一分並生用細剉如法酒一升煎及一半漉出於砂盆內研生布捩汁再熬放冷入飛羅麪

煮糊丸如菽豆大 若因產後傷於飲食結伏腹
脇時發疼痛不可忍者當歸浸酒一升逐漸取酒
暖少許下七丸或至十九 若取磨癖塊空心溫
酒下三丸至五丸 所有藥滓揆了焙乾為末別
入乾地黃半兩真蒲黃一分芫花一分醋炒焦黃
色同碾為末以三聖丸所剩麴糊為丸如菽豆大
治婦人血臟冷氣攻冲心胸痛悶及一切血海疾
可常服溫酒下十九

木香硃砂煎丸

消癥瘕積聚血結刺疼

木香 大黃 炮

荆三稜 生用

官桂 皮去

巴豆 去皮膜不出油用細研之

筒子漆 炒

青橘皮 去白

蓬莪茂 炮

附子 炮去皮臍

乾薑 炮各一分

香墨 一指節大細研

硃砂 半兩以好醋一盞浸一宿去砂石

右將大黃末荆三稜末巴豆等三味同於銀石器

內以好醋一升煎一兩沸次入硃砂同熬成膏次

入諸藥末和勻再入白杵千百下為丸如菉豆大
每服五丸 傷冷食冷酒冷水結聚腹內氣塊痛
用乾薑湯或橘皮湯下 夾食傷食白湯下亦得
黏食不消成氣塊即用煮麴湯下 食牛羊魚
鼈肉成氣塊不散即用湯汁下 宿酒不醒酒下
血氣不調當歸酒下 妊娠不服產後淡茶下
加至七丸 小兒三丸常服一兩丸
水氣

檳榔散

治水疾及諸般氣腫大效

白檳榔

勿用大腹子不得見猛火煨令微黃用半兩

芫花

醋拌炒令乾

澤瀉

甜葶藶

隔紙於銚子內炒令紫色

漢防己

郁李仁

湯浸去皮微炒各一兩

陳橘皮

去瓢炒半兩

瞿麥

只取花用半兩

蒙本

一分

大戟

三分剉碎微炒

滑石

三分

右件細杵為末每服一錢用桑白皮濃煎湯空心

調下當時取碧綠水後如爛羊脂即差如未盡隔日再服看腫消如故更不用服如治水疾忌鹽一

百日

逐氣散

治水疾

樟柳根

不限多少去麤皮薄切陰乾日曬亦得為末

右用黃顙魚三頭大蒜三箇菹豆一合以水一大碗同煮以豆爛為度先將豆任意喫後却以汁調

藥末二錢其水即化為氣消也

脚氣

訶子散

治脚氣疼痛發熱腫悶或上攻或即吐逆令人不覺
大抵地方多卑濕處多厥狀多般有此疾

訶子

大腹

煨熟和皮用

木香

漢防已

紫蘇莖子

乾木瓜

羌活

芍藥

沈香

杉木節

各半兩

右十味剉為細末分作十服每服用水八合煎至二合去滓通口服每二服滓併煎一服無大治風氣上衝

烏藥散

治乾濕脚氣

烏藥

兩

蒔蘿

一分二味各炒令黃色

右同為末溫酒下二錢若是乾脚氣用苦楝子一箇拍開水一升煎至五合調下立差

小便證

犀灰散

治小便澀筒管內痛

聖濟總錄
作蠶灰散

用蠶退紙不拘多少燒灰細研入麝香少許和
勻每服二錢米飲調下

薑黃散

治血臟久冷腹疼痛小便濃白泔

薑黃二兩

大附子一兩

炮

紅芍藥半兩

牡丹皮

一分

紅藍子

半兩

芫花

一分醋浸過炒令黃色

木香

一分

柳桂

半兩去皮

荆三稜

半兩

沒藥

一分

郁李仁

一分去皮

右一十一味同為末每服一大錢如腹痛用當歸沒藥酒煎服水七分酒三分同煎及七分熱服

大便證

白豆蔻散

治脾胃氣不和止脾泄瀉痢

白豆蔻

二兩用仁一半生一半熟

枳殼

半斤去瓢以漿水煮熟麩炒令香止

肉桂

二兩去皮

橘皮

二兩去瓢炒切細

訶子

二兩去核半生半熟

當歸

二兩洗了剉碎

右六味杵為末每服一錢水一中盞薑棗同煎至七分稍熱服如要丸用好棗漿水煮去皮核細研為丸如桐子大以薑擘破炒令黑色入水煎湯下十五丸

小草還丹

補脾腎虛冷止大腸滑泄

地黃

半斤剉炒
令黑黃色

茱萸

三兩

青橘皮

去白

萆薢

甘薑

石榴皮

各二兩

厚朴

一兩半薑汁炙
令黃香為度

右七味為末醋糊為丸如梧桐子大每服空心米飲下三十九或嚼破生薑米飲下

保安丹

治脾元虛滑及久患瀉服藥未效日夜不止臍腹冷

疼及一切氣刺氣痛

聖濟總錄
作保安丸

附子炮

當歸

陳橘皮

去白

乾薑

炮各
一兩

蜀椒

去子

厚朴

去皮以薑汁
炙令香熟

吳茱萸

各半
兩

舶上硫黃

一分另
研至細

右八味同為細末硫黃末和勻以米醋和作劑分

為兩團別用白麵半斤裹上件藥令勻如燒餅法

煨令麵熟為度麵入臼內杵三五百下九如梧桐

子大每患一切氣痛及宿酒食不消炒薑鹽湯

下二十九 如患瀉痢米飲下

丁香散

治脾泄瀉

厚朴

半兩去皮用生薑汁塗炙令香黃

檳榔

一箇火煨過

肉豆蔻

二箇去皮麵裏煨

丁香

二錢煨過

右四味同杵為末每服二錢用粥飲煎三二沸溫

湯服以少許清粥飲衝下

草豆蔻散

治胃口冷喫食無味及脾泄瀉不止無大治酒後數
圍如痢心胸不快不思飲食

草豆蔻

半兩每箇麪裏煨
候麪焦黃去麪用

甘草

一兩
炙

肉桂

去皮
一兩

陳橘皮

去瓤
一兩

蠻薑

一兩

右五味同為細末每服一錢半更入陳米末一錢
水一盞棗一枚同煎七分溫服其滓再煎服之

橘皮煮散

治脾元氣不和泄痢不止腹內雷鳴氣脹膨滿冷氣



刺痛及解傷寒

橘皮

去白

白朮

各二兩

訶子

乾薑

炮

官桂

去皮

枳殼

去瓤炒

木香

人參

甘草

炮

以上各一兩

草豆蔻

七枚去皮

檳榔

五枚

厚朴

一兩半薑汁塗炙黃

半夏

二分湯洗二十度用

右十三味杵羅為末每服二錢生薑三片棗子二

枚水一盞同煎七分去滓溫服

神聖香薑散

治久患脾泄瀉

宣連

一兩勻剉
如豆大

生薑

四兩勻挫
如黑豆大

右二味一處以慢火炒令乾薑脆深赤色即止去
薑取出只要黃連研為細末每服二錢空心膈茶
甚者不過二服即差

大聖散

治脾元臟冷滑不止腹痛絞刺和陰氣進食

川烏頭

四兩
生用

益智子

三兩
去皮

乾薑

二兩
生用

青橘皮

二兩

茴香

一兩 舶上者

右五味同杵為末每服一大錢水一大盞入鹽一

捻煎至五分溫服 如小腸氣攻刺急煎一二服

熟喫

訶子散

治脾胃虛冷滑泄不思飲食和一切冷氣

訶子

炮去皮

厚朴

去皮薑汁塗炙黃香

甘草

炙

白朮

炒

草豆蔻

炮去皮

陳橘皮

去瓤各等分

右六味同杵為末每服一大錢水一盞入薑棗同煎至七分溫服

煨肝散

治脾元虛冷滑洩不止口内生瘡腹中冷不思飲食
暖胃消食止瀉

蒼朮

三兩

縮砂

去皮

柴胡

去苗

厚朴

薑汁炙
去皮

桔梗

各一兩

蕪荑

三分

桂心

二分
去皮

陳橘

去
瓤

遠志

去心

北紫菀

各半兩

胡椒

一分

右十一味同杵為末以細絹篩為散每服以豬
肝四兩切作片每片用末一大錢匕糝於肝上入
葱白時蘿鹽等令有滋味一重重布了麵片裹之
糖灰火內煨令通熱麵焦黃色即得去麵取肝空
腹服之其麵可二分以來或細切肝以散拌和如
作角子如常燂熟食之亦得並以薄米飲下之忌
生冷毒物等

如聖散

治腸風瀉血日夜不止

車螯

一合二箇

皂角刺

四十箇

硃砂

硃砂

乳香

各一分三味同研

右四味入車螯合內以蚯蚓裏用炭火六斤煨火盡為度取出研為細末入心溫酒調下一錢

紫金膏

治腸風瀉血兼療痔漏

龍腦

麝香

滴乳香

雄黃

蜜陀僧

已上五味
各挑一錢

砒霜

半

硃砂

一

阿魏

一

安息香

一

右乳香安息阿魏以熟水浸之通軟用大碗中以

乳石研令細其有龍腦麝香硃砂蜜陀僧雄黃都

碾為末其砒霜入萊豆粉二兩同研令細更用巴

豆三粒去皮心膜以水一大碗浸之一日六度換

水取出後用拾重紙出油亦研細與藥都一處研

勻方入濕藥中令和攤在碗中俟通手便丸之如

豆大空心好溫茶下一丸 心痛水瀉生薑湯下

一丸 食癥麵湯下 氣痛溫酒下一丸大妙

烏金散

治遠年近日腸風下血不止

枳殼

不以多少燒成黑灰存性
便以蓋子合定為細末

羊脰炭

不以多少
為細末

右二件用枳殼末五錢炭末三錢和令勻用米飲

一中盞調下空心服再服見效

十便良方
名黑龍散

敗毒散

治脾毒下血臟腑疼痛頻往圓廝後重弩咽

槐花炒

白礬燒及八分許存性二味等分是生時稱

右二味同為末每服一錢烏梅一箇水一盞煎六

分去滓溫服

芍藥散

治非時下血及血痢

赤芍藥

一兩半

官桂

去皮三兩

甘草

半兩炮

右藥同為末每一錢水一盞生薑半斤錫少許同煎至七分溫服

烏犀丸

治臟毒下血不止

用淡豆豉大蒜去皮苗等分一處杵令和勻可丸即丸如梧桐子大每服鹽湯下三十四丸久患痢亦宜服之

中毒

歸魂散

解中藥毒煩燥吐血口內如針刺者

北礬一兩 茶草一兩

右二味同搗為細末作一服以新汲水調之立解
此藥入口其味甘甜並不覺苦味者是也必併服
兩服盡五更初一服如人行三五里再進一服當
日見效忌油膩毒物

萬靈丹

解一切藥毒及蟲毒金蠶等毒

光明硃砂

一兩須是辰州者今人
淨潔面東研一伏時

黃沙牛膽

一枚取汁如無新者陰乾者
用時以溫水浸軟溫水調用


大天南星

三兩為
末生用

右以膽汁和溲前二味為丸如皂子大陰乾如有
中諸毒者但頭肚未裂皆可救療服時先取汁腳
以新水洗之澄取清者半盞入鹽磨化一丸頓服
續以薄粥投之以吐為度其疾永除

保靈丹

解蠱毒即一切藥毒方
缺



博濟方卷三